

Ансорийларнинг аёллари қандай ҳам яхши аёллар | Ҳадис дарслари (250-дарс)

Ҳадис
ДАРСЛАРИ

250-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 05.10.2023 1950

أَهْنَعُ هَلْ لَأِيضَرَ شَيْءٌ أَعْنَعُ
يَبْنُلَاتِ لَأَسْءَامُ سَأَنَّ أ
نَعْمَ لَسَوْ هَيَلَعُ هَلْ لَأِيْلَصُ
دُخَاتُ لَأَقَفُ، ضِيْحَمُ لَأِلْسُغُ
أَهْتَرِدِسْ وَأَهْءَامُ نُنْكَأْدِحُ
رُوهُ طَلَأُنْسُحُ تَفْرُهُ طَتَفُ
أِهْسُ أَرِيْلَعُ بُصَاتُ مْثُ

يَتَحَ اَدِي دَش اَلْ دُهُ كَلْدَتَف
مُتْ ، اِهَسْ اَرَنْ وُوشْ عُلْبِي
دُخَاتْ مُتْ ، اءَامْلَا اَهِي لَعْبُصَت
اِهَبْ رَهَطَتَفْ ةَكْسَمَمْ ةَصْرَف
رَهَطَتَفْ فِي كَوْ : اءَامْسَا تَلْ اَقَفْ
! هَلْ لَانَا حَبْس : تَلْ اَقَفْ ؟ اِهَبْ
تَلْ اَقَفْ . اِهَبْ نِي رَهَطَت
يَمْ دَلَا رَثَا نِي عَّبَتَتْ : ةَشْيَا ع
ءَصْرَفْ ي دُخ : تَلْ اَقِي ةَيَا وِرِي فَو
اِهَبْ يِي ضَوْتَفْ ةَكْسَمَمْ
يِبْنَلَا يِي حَتْ سَاو ، اَثَا لَتْ
مَلَسَوِ هِي لَعْ هَلْ لَا يِلَصْ
تَلْ اَقَفْ ، هِهَجْ وِبْ ضَرْعَا فْ

ءَاسِنُ ُءَاسِنُ لَآ مُمْعِنُ ُءَشْيَءِ ُءَاعِ
نُءَعَنُ مَيُّ نُنُكَيُّ مَلِّ رَاصُنَّ ُءَالِ
يَفَنُ ُءَقَفَتَيُّ نَأُءَايِخُ لَآ
آلِ ُءَسْمَخُ لَآ ُءَاوَرُ . نَيُّ دِلِ
يُذِمُّ رَتِّ لَآ

Оиша розияллоҳу анҳодан ривоят қилинади:

«Асмо Набий соллаллоҳу алайҳи васалламдан ҳайзининг ғусли ҳақида сўради. У зот:

«Сиздан бирортангиз сув ва сидрни олади. Сўнгра яхшилаб тозаланади. Кейин бошига сув қуюди ва токи, бошининг ҳамма жойига етгунча қаттиқ ишқалайди. Сўнгра устидан сув қуюди. Кейин мискланган бир парча пахтани олади ва у билан покланади», дедилар. Асмо:

«У билан қандай покланади?» деди. У зот:

«Субҳаналлоҳ! У билан покланасан-да!» дедилар.

Бас, Оиша:

«Қоннинг ўрнига қўясан», деди.

Бошқа бир ривоятда:

«У зот:

«Мискланган бир парча пахтани олиб, у билан покланасан», деб уч марта айтдилар ва Набий соллаллоҳу алайҳи васаллам уялиб, юзларини ўгириб олдилар. Бас, Оиша:

«Ансорийларнинг аёллари қандай ҳам яхши аёллар. Уларни ҳаё дийнда фақиҳ бўлишларидан ман қилмас эди», дедилар», дейилган.

Бешовларидан фақатгина Термизий ривоят қилмаган.

Ҳадисда Пайғамбар соллаллоҳу алайҳи васалламга савол берган аёл Асмо бинти Шакл ал-Ансориядирлар. У киши ўз динларига тўлиқ ва аниқ амал қилиш мақсадида Пайғамбаримиз соллаллоҳу алайҳи васалламдан ҳайздан кейин қилинадиган ғусл ҳақида сўрадилар. У зот соллаллоҳу алайҳи васаллам бу ишни батафсил баён қилиб бердилар:

1. «Сиздан бирортангиз сув ва сидрни олади».

Яъни, сиз, аёллардан ҳайзи тўхтаганингиз ғусл қилиш учун тайёрланиб, бунинг учун ишлатадиган сувни ва совун ўрнига сидр наботини олади (ўша вақтда Арабистонда совун ўрнига сидр ишлатилар эди).

2. «Сўнгра яхшилаб тозаланади».

Яъни, истинжо қилиб, жинсий аъзоларини яхшилаб тозалаб олади.

3. «Кейин бошига сув қуюди ва токи бошининг ҳамма жойига етгунча қаттиқ ишқалайди».

Чунки соч остига сув етмай қолмаслиги керак. Хусусан, ҳайз кўриб, яхшилаб тозаланиш имкони бўлмай юргандан кейин бу иш яна ҳам катта аҳамият касб этади.

4. «Сўнгра устидан сув қуюди».

Яъни, бутун танасига сув қуйиб, яхшилаб ювади.

5. «Кейин мискланган бир парча пахтани олади ва у билан покланади».

Яъни, миск (мушк) суртилган пахта ила покланади. Миск топа олмаса, бошқа хушбўй нарса ҳам бўлаверади. Аммо Асмо бинти Шакл ал-Ансория розияллоҳу анҳо бу гапни тушуна олмадилар ва яхшилаб тушуниб олиш учун Пайғамбаримиз соллаллоҳу алайҳи васалламдан:

«У билан қандай покланади?» деб сўрадилар.

«У зот: «Субҳаналлоҳ! У билан покланасан-да», дедилар».

Яъни, Асмо розияллоҳу анҳонинг тушунмаганларига ажабландилар ва очиқ айтишдан тортиниб, яна аввалги гапларига ўхшаш гап қилдилар.

Шу ерга келганда гапга Оиша онамиз аралашдилар ва Асмо розияллоҳу анҳога:

«Қоннинг ўрнига қўясан», дедилар.

Бошқа бир ривоятда:

«У зот:

«Мискланган бир парча пахтани олиб, у билан покланасан», деб уч марта айтдилар ва Набий соллаллоҳу алайҳи васаллам уялиб, юзларини ўгириб олдилар», дейилган.

Пайғамбаримиз соллаллоҳу алайҳи васалламнинг ўта уятчанликлари маълум ва машҳур.

Шундай бўлса ҳам, Оиша онамиз Асмо бинти Шакл ал-Ансориянинг тутган ишларига таҳсин айтиб:

«Ансорийларнинг аёллари қандай ҳам яхши аёллар. Уларни ҳаё динда фақиҳ бўлишларидан ман қилмас эди», дедилар.

Дарҳақиқат, уларнинг илм йўлида кўрсатган шижоатлари ва фидокорликлари самарасидан мўмин-мусулмонлар ҳозиргача фойдаланиб келмоқдалар ва иншааллоҳ, то қиёматгача фойда оладилар.

«Ҳадис ва ҳаёт» китобининг 4-жузи асосида тайёрланди.

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.